



SIARAN MEDIA

KEMENTERIAN PERALIHAN TENAGA DAN TRANSFORMASI AIR (PETRA)

POTENSI NILAI PELABURAN PROJEK LSS PETRA 5+ DIANGGARKAN MELEBIHI RM6 BILION

PUTRAJAYA, 10 September 2025 – Kementerian Peralihan Tenaga dan Transformasi Air (PETRA) telah menerima Surat Aku Janji daripada 13 pemaju projek di bawah Program LSS PETRA 5+ (Large Scale Solar – Peralihan Tenaga SuRiA Pusingan Kelima Tambahan), yang telah berjaya dalam proses bidaan terbuka yang dilaksanakan oleh Suruhanjaya Tenaga.

Keputusan bagi bidaan terbuka LSS PETRA 5+ telah diumumkan pada 2 September 2025. Seramai 13 pembida yang layak berdasarkan harga bidaan yang kompetitif dan pematuhan ke atas kriteria-kriteria yang digariskan, telah menerima pemakluman rasmi mengenai kelulusan kuota untuk membangunkan loji jana kuasa solar berskala besar di seluruh negara yang dijangka mula beroperasi seawal tahun 2027.

Kesemua projek ini dianggarkan mempunyai potensi nilai pelaburan melebihi RM6 bilion. Pelaksanaan projek juga dijangka mewujudkan sehingga 12,000 peluang pekerjaan dalam industri tenaga boleh baharu tempatan. Oleh itu, penyerahan Surat Aku Janji ini antara lain menunjukkan komitmen pemaju kepada Kerajaan untuk melaksana dan

menyiapkan projek dalam tempoh masa yang telah ditetapkan serta pematuhan kepada program kerja dan jadual pelaksanaan projek. **Dengan adanya Surat Aku Janji ini, Kementerian akan dapat memantau pelaksanaan projek dengan lebih cekap dan berkesan.**

Senarai 13 pemaju projek LSS PETRA 5+ yang telah menyerahkan Surat Aku Janji pada hari ini adalah seperti berikut:

No.	Pemaju projek
1.	Equinox Solar Farm Sdn. Bhd.
2.	Konsortium Abu Dhabi Future Energy Company P.J.S.C. - MASDAR, Citaglobal Renewable Energy Sdn. Bhd. dan TIZA Global Sdn. Bhd.
3.	Konsortium Antara Hijauan Sdn. Bhd. dan Anglo-Eastern Plantations Management Sdn. Bhd.
4.	Konsortium Classic Solar Farm Sdn. Bhd. dan Jubli Pasifik Sdn. Bhd.
5.	Konsortium Fabulous Sunview Sdn. Bhd. dan Cypark Renewable Energy Sdn. Bhd.
6.	Konsortium JAKS Solar Power Holdings Sdn. Bhd. dan China Power Engineering Consulting Group International Engineering Co. Ltd.
7.	Konsortium JAKS Solar Power Holdings Sdn. Bhd. dan China Power Engineering Consulting Group International Engineering Co. Ltd.
8.	Konsortium JBB Builders (M) Sdn. Bhd. dan Samaiden Sdn. Bhd.
9.	Konsortium Malakoff Corporation Berhad dan Solarvest Holdings Bhd.

No.	Pemaju projek
10.	Konsortium reNIKOLA Holdings Sdn. Bhd., Anglo-Eastern Plantations Management Sdn. Bhd. dan RE Chenderong Sdn. Bhd.
11.	Konsortium Wawasan Dengkil Sdn. Bhd., Pristine Multi-Vision (M) Sdn. Bhd. dan Nestcon Infra Sdn. Bhd.
12.	Leader Energy Ventures Sdn. Bhd.
13.	MSR Green Energy Sdn. Bhd.

Program Large Scale Solar (LSS) yang telah dilaksanakan sejak tahun 2016 ini telah menjadi program pemangkin utama dalam mengembangkan pembangunan industri tenaga boleh baharu di Malaysia. Hingga kini, sebanyak 121 projek LSS telah diluluskan dengan jumlah kapasiti 6,228MW dan anggaran nilai pelaburan melebihi RM21 bilion.

Pelaksanaan program ini adalah selaras dengan hala tuju Kementerian untuk meningkatkan campuran tenaga boleh baharu dalam sistem bekalan elektrik negara kepada 70% menjelang tahun 2050. Inisiatif ini sejajar dengan komitmen PETRA untuk mengurangkan jejak karbon sektor tenaga, menyokong agenda kemampanan Malaysia MADANI dan memacu pertumbuhan ekonomi hijau negara.

KEMENTERIAN PERALIHAN TENAGA DAN TRANSFORMASI AIR
10 SEPTEMBER 2025

Unit Komunikasi Korporat | Kementerian Peralihan Tenaga dan Transformasi Air (PETRA)
 Tel.: 03-8000 8000 | E-Mel: ukk@petra.gov.my

